

太康縣志

卷二

建置

田賦

城池  
學校

興政  
兵訪

地畝  
起解

舊裁  
雜稅

曆署  
壇廟

遞舖  
津梁

人丁  
留支

新裁  
蠲免

倉儲  
坊表

賦稅  
酒糧

150.173  
26  
年三二

太康縣志卷之二

建置

築城鑿池設險固然風化所被學校為先壇壝星祭廡署  
雲連兵防驛遞並著斯篇志建置

縣城舊係土城相傳元至正二年建週九里三十三步高三  
丈八尺濶二丈二尺池深二丈濶四丈城門樓四東朝陽西

樂成南南薰今改名北迎恩明嘉靖三十三年柘城人師尙

詔反圍城三日解去崇禎四年土寇張鼎夜襲東城不能登  
旋獲之七年流寇圍城環攻一日夜巡撫元默統兵救援斬

太康縣志

卷之二 建置

一

獲甚眾賊遁去九年知縣李臯見大地搶攘土城難守禦乃  
易以磚厚五尺高四丈三尺城四隅角樓四面敵樓十有三  
日而成人以為神十五年三月李自成破陳州遂圍攻太康  
兩日外援不至東南角樓火藥燭騰賊乘瑕蜂上城破被屠  
垣墉平毀盡為瓦礫

國朝順治三年知縣姬命甲重建磚城五年知縣田六善復修  
康熙三十一年大雨壞城知縣樸懷寶前後捐修四百三十  
丈三尺乾隆三年知縣姚孔鑷領公項銀修建東南二門樓  
二十二年知縣傅輝文修建西門樓二十四年知縣武昌



修東門二十八年昌國奉文同紳士捐資通修

附論

舊志謂城週九里三十三步今查城濠止週七里一百二十步則知今城小於初建時矣夫王公設險豈曰無戎而城一夫當關所謂雖小而固是以古者清風至而修城郭歲有常期用戒不虞也然聖人金城非關險阻兵家玉帳寧恃高深有尹鐸之保障而加以墨子之守禦雖無重關百二之勢又何患焉以平時之固結為未雨之綢繆守茲土者尙其重念之哉

大康縣志

卷之二 建置

二

廨署

縣治近西門相傳西漢時建此隋唐以後因之元末燬明洪武三年知縣王辰因舊基重建嘉靖五年知縣陸岡重修明季大堂及前庫兩廊遭寇燬

國朝自順治以來並以退廳為正廳歲久將壞乾隆二十七年知縣武昌國捐俸重修五十八年知縣李廷讓改建

大門三間

舊係磚甃上雖樓三間今廢

東設民壯房西設捕班房東建

蕭曹祠

土地祠

二門三間中爲儀門左右角門二間

戒石銘亭甬路東頭皂房西二皂房又東爲快班房

大堂三間中設暖閣東西庫房各一間東爲庫櫃房西爲茶房左翼爲吏戶禮房右翼爲兵刑工房堂後西爲東房爲買辦房

宅門一間東門房三間西門房三間

二堂三間匾曰職思其居東大花廳三間階列兩槐掩映左右左側書

房三間迤南平房三間西書房前後三間

三堂五間東西房各三間東書房三間 內宅三間東西房

各三間東耳房一間相連平房三間迤南廂房三間東偏廚房共五間西向書房三間南向書房共十二間其後三間

署東馬厰一所號房三間西供

馬神祠

倉神祠

戒石牌迤西圍牆一所內外監房男女監房內供

獄神祠

縣丞署

舊在正廳東南宣德間缺裁署廢雍正八年復設在縣署東正廳三間乾隆二十五年縣丞汪鏡捐建內宅三間嘉慶二十一年復裁丞缺移駐槐店改爲淮沈項三縣分防縣丞二十四年知縣孫大蘇詳請丞

署改立  
義倉

典史署

舊在正廳東南明末燬裁簿署改居縣署西乾隆三十二年典史毛師沆請帑修葺二門三間東西房各三間乾隆五十九年馮翔添葺廳西北向客廳三間南向客廳三間廳後草房三間

城守營

在治東街南舊係西分司今為陳州營駐防把總衙

申明亭

舊在譙樓東久廢乾隆十年知縣宋士莊於城內天寧寺西北路崔橋西路遜母口南路老塚集東路馬

廠五處捐

旌善亭

在譙樓內西

陰陽學

譙樓左

醫學

譙樓右

僧會司

道會司

察院

在治東裁廢改為二賢祠今改蕭公祠

倉儲

大康縣志

卷之二

建置

四

常平倉舊在治東年久圯壞康熙三十三年知縣樸懷寶重建廩房七間

大庾倉舊在儀門內預備倉舊在治東俱廢康熙三十年知縣樸懷寶重建一在預備舊址一在附戶街西廩房三十五間今廢

永恩倉穀七十八間建設縣治東倉園一十五間雍正七年知縣郭紹璞建設餘倉二間署旁二十八間康熙四十七年署旁新建漕倉三十三間餘倉二間建設署東舊倉邊雍正三年知縣張對墀重修乾隆元年知縣吳本涵領銀於署旁

建倉三間六年署旁倉廩塌漏知縣張禧捐修共倉八十一  
間乾隆二十四年知縣武昌國於東門內捐建常平倉三十  
間道光六年知縣戴鳳翔增建廩房三間七年增建廩房七  
間

社倉五處

一在城東馬廩集西遜母口  
南老塚北楊家廟社長十名

常平倉穀

自雍正十三年起  
至乾隆五年止

共捐四千六百七十七石七斗

七升

俱係社長  
收存無倉

義倉

在縣署東舊係縣丞署嘉慶二十四年知縣孫大蘇詳  
請改立義倉邀勸城鄉紳士共捐谷二千二百三十七

石一斗一  
升五合

學校

文廟在縣治東明宣德間知縣崔壽始建崇禎十五年燬

國朝順治五年知縣田六善修大殿七間建東西廡各五間戟

門櫺星門各三間康熙六年知縣胡三祝修增設大殿天花

板增東西廡各十間戟門櫺星門各為五間左右崇德育才

二坊移櫺星門內移泮池於門外康熙三十一年知縣樸懷

寶修大殿東西廡戟門櫺星門及崇德育才二坊並禮器庫

樂器庫康熙二十三年頒

御書萬世師表扁額奉懸大成殿

太康縣志 卷之二 建置

六

雍正三年頒

御書生民未有扁額奉懸大成殿

乾隆三年頒

御書與天地參扁額奉懸大成殿

嘉慶五年頒

御書聖集大成扁額奉懸大成殿

道光二年頒

御書聖協時中扁額奉懸大成殿

康熙三十三年

御書先師孔子贊及四賢贊刊碑立大成殿

知縣樸懷寶  
奉文鐫立

至聖先師孔子贊

并序

蓋自三才建而天地不居其功一中傳而聖人代宣其蘊有行道之聖得位以宣猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一時明道者教思周於百世堯舜文武之後不有孔子則學術紛淆仁義湮塞道之失傳也久矣後之人而欲探二帝三王之心法以爲治國平天下之準其奚所取衷焉然則孔子爲萬古一人也審矣朕巡省東國謁祀闕里景企滋深擗筆而爲贊曰

太康縣志

卷之二

建置

七

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然六經百家紛紜殊途異趣日月無踰羹牆可晤孔子之道惟中與庸此心此理千古聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷庭除式觀禮器擗毫仰贊心焉遐



企百世而上以聖爲歸百世而下以聖爲師非師夫子惟師於道  
統天御世惟道爲寶泰山巖巖東海泱泱牆高萬仞夫子之堂孰  
窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺萬德來萃能  
化而齊其樂一致禮樂四代治法兼備用行舍藏王佐之器

曾子贊

洙泗之傳以魯得之一貫曰唯聖學在茲明德新民止善爲期格  
致誠正均平以推至德要道百行所基纂承統緒修明訓詞

太康縣志

卷之二

建置

八

子思子贊

於穆天命道之大原靜養動察庸德庸言以育萬物以贊乾坤九  
經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道  
稱堯舜學屏功利煌煌七篇並垂六藝孔學以傳禹功作配

順治九年

世祖章皇帝訓飭士子臥碑文

朝廷建立學校選取生員免其丁糧厚以廩膳設學院學道學官

以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一 生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一 生員立志當學爲忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身當以思省

太康縣志

卷之

建置

九

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕入卽有切己之事止許家人代告不許干預他人詞訟他人亦不許牽連生員作証

一 爲學當尊敬先生若講說皆須誠心聽受如有未明從容再問毋妄行辨難爲師長者亦當盡心訓教勿致怠惰

一 軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字

不許妄行刊刻違者聽提調官治罪

康熙四十一年

聖祖仁皇帝御製訓飭士子文

國家建立學校原以興行教化作育人材典至渥也朕臨御以來  
隆重師儒加意庠序近復慎簡學使釐剔弊端務期風教休明賢  
才蔚起庶幾棧樸作人之意乃比年士習未端儒效罕覩雖因內  
外臣工奉行未能盡善亦由爾諸生積錮已久猝難改易之故也  
茲特親製訓言再加警飭爾諸生其敬聽之從來學者先立品行  
次及文學學術事功原委有敘爾諸生幼聞庭訓長列宮牆朝夕

太康縣志

卷之

建置

十

誦讀寧無講究必也躬修實踐砥礪廉隅敦孝順以事親秉忠貞  
以立志窮經考業勿雜荒誕之談取友親師悉化懦盈之氣文章  
歸於醇雅毋事浮華軌度式於規繩最防蕩軼子衿佻達自昔所  
譏苟行止有虧雖讀書何益若夫宅心弗淑行已多愆或蜚語流  
言脅制官長或隱糧包訟出入公門或唆撥姦猾欺孤凌弱或招  
呼朋類結社要盟乃如之人名教不容鄉黨弗齒縱倖脫褫朴濫  
竊章縫返之於衷寧無愧乎况鄉會科名乃掄才大典關係尤鉅  
士子果有真才實學何患困不逢年顧乃標榜虛名暗通聲氣夤  
緣詭遇罔顧身家又或改竄鄉貫希圖進取囂凌騰沸網利營私

種種弊情深可痛恨且夫士子出身之始尤貴以正若茲厥初拜  
獻便已作姦犯科則異時敗檢踰閑何所不至又安望其秉公持  
正爲國家宣猷樹績膺後先疏附之選哉朕用嘉惠爾等故不禁  
反復惓惓茲訓首頒到爾等務共體朕心恪遵明訓一切痛加改  
省爭自濯磨積行勤學以圖上進國家三年登進束帛弓旌不特  
爾身有榮卽爾祖父亦增光寵矣逢時得志寧俟他求哉若視爲  
具文玩愒弗做殷方躍冶暴棄自甘則是爾等冥頑無知終不率  
教也旣負栽培復干名異王章具在朕亦不能爲爾等寬矣自茲  
以往內而國學外而直隸鄉校凡學臣師長皆有司鐸之責者並  
太康縣志

卷之二 建置

十一

宜傳集諸生多方董勸以副朕懷否則職業弗修咎亦難追勿謂  
朕言之不預也爾多士尙敬聽之哉

世宗憲皇帝御製訓飭士子文

雍正五年三月二十四日禮部奏會試舉人切荷

特恩合詞陳謝奉

上諭朕觀天下萬民爲一體况讀書鄉薦之人與日俱可作朕股肱  
耳目是以朕心待之實有一體聯屬之意愛養培護卽如自厚其  
身此皆出於中心之自然並非欲邀天下士子之感戴也今舉子  
等以會試叨荷特恩合詞陳謝是尙不能深悉朕一體相關之意

而存上下彼此之形跡矣朕待天下惟一誠而崇儒重道之心尤爲篤切但所崇者皆真儒所重者皆正道若徒尙虛文邀取名譽致貽世道人心之害朕不爲也爾等讀書之人實四民之所觀瞻風俗之所維繫果能誦法聖賢躬修實踐宅心正直行己端方則通藉於朝必能爲國家宣猷樹績膺棟樑之選卽退處鄉閭亦必能教孝勸忠爲衆人之坊表故士習旣端而人心尙有不正風俗尙有不淳者無是理也爾等旣感朕恩卽當仰體朕心恪遵朕訓爭自濯磨或出或處皆端人正士爲國家所倚賴如地方爲實心報効不在感恩奉謝之儀文也欽此

太康縣志

卷之二 建置

七

順治八年題准學規

一 教官生員生事違法者嚴行懲究若與武職兵丁有爭教官生員聽學臣處治不許武職擅責武職兵丁聽該管衙門處治不許生員結黨爭抗

一 教官士子觀法所係提學按臨考其學行俱優教有成效者獎勵列薦其行履無過而學問疎淺者姑行戒飭責令勉進有老病不堪者准令以禮致仕若鑽營委署橫索束脩卑污無恥素行不謹者不必試其文學卽行叅奏分別究革其有學霸生員書役門夫行私惑誘者一并究擬重治

一孝弟廉讓士子立身大節有敦本尚實行誼表著者提調官細加體察取具甘結申送覈實卽加獎賞以勵頹俗若有不務學業囑託把持武斷包攬或捏造歌謠興滅詞訟及敗倫傷化過惡彰聞者體訪得真不必品其文藝卽行黜革其行優者不許通同賄冒行劣者不許徇情姑息并不許輕信開送致被挾私中傷違者從重叅處

一提調官宜嚴束生徒按季考校凡學殿堂齋房損壞卽辦料修理其齋夫膳夫學糧學田俱以時撥給不許遲悞尅減生員照例優免除干謁瀆擾外俱宜以禮相待勿得橫肆凌侮

太康縣志

卷之二

建置

三

至於非禮諂諛嚴行禁斥

一有司官於諸生進見須設立門簿或以公事或以私事悉登姓名或自構訟或爲人訟或自爲證或被牽證全載情節如有事不干已輒便出入衙門乞恩罔利議論官員賢否許卽申呈以行止有虧革退若糾眾扛帮聚至十人以上罵官無禮爲首照例問遣其餘盡行革黜爲民

一淡薄質素儒者家風如浮靡輕佻縱酒宿娼蕩閑越檢有犯必黜不得少貸凡遇

聖節元旦冬至及丁祭一應禮儀務須整齊嚴肅有高臥不赴與叅

錯驕蹇者卽行責治至於謁見上官毋失禮毋足恭務須循循雅飭師生教學舊此可覘

一名宦鄉賢孝子節婦及鄉飲賓僕皆係大典風教所關今後提學官遇有呈請務須覈實確據非年久論定者不得舉鄉賢名宦非始終無議者不得舉節婦孝子非鄉里推服者不得舉鄉飲賓僕如有受人請求妄舉者師生人等卽以行止有虧論其從前冒濫混雜者徑自查革

十年題准生員犯小事者教官責懲犯大事者申學臣黜革然後定罪如地方官擅責生員該學臣糾叅

太康縣志

卷之二 建置

十四

十二年論提學嚴飭教官月加課程不得曠廢亦不得假借凌虐其歲考科考原卷解部稽察不許謄改仍將各學廩增附名數細查在學若干黜退若干照數冊報行示張掛俾通知的確姓名然後優免丁糧

十五年題准劣生不遵條例教官揭報務須真正劣衿學霸不得僅用小疵腐儒舉優行者以孝弟爲先不得以操履平常充數如有扶同受賄情弊察出將教官重處

十八年題准凡紳衿貢監有抗糧不納并其兄弟親族倚勢不完及廢紳黜衿抗糧不納者嚴拿解送刑部照悖

旨從重治罪如

旨到完納免其題解議處

康熙二年題准教官徇情不報劣生者一名革職提學不盡

法懲處者一名降四級二名革職

又題准有司將生員照民例扑責非

朝廷恤士之意今後如果有欠糧重情地方先報學院學道俟

黜後治以應得之罪若詞訟小事應委治者發該學官懲治

宗聖祠

舊在大成殿東知縣樸懷寶重修雍正十三年知縣吳本涵同紳士移建大成殿後

尊經閣

在明倫堂後

太康縣志

卷之二 建置

五

書籍

周易折中 二套

書經傳說 二套

詩經傳說 二套

春秋傳說 二套

周官義疏 未領

儀禮義疏 未領

禮記義疏 未領

性理精義 一套  
六本

十三經註疏 共十  
二套

二十一史 共三十一套內宋  
遼金元宏簡錄代

明史 一百二  
十本

御批資治通鑑綱目 十四  
套

御選資治通鑑綱目 四本

駁呂留良四書講義 八本

大清律校正各條 一套

大清律續纂條例 一套  
二本



學政全書 一套

續增學政全書 十二本

科場條例 一本

科場盡善條例 六本

上諭 二十二本

滿漢上諭 二本

聖諭廣訓直講 一本

增刊條約 二本

尊重經學條例 一本

頒發書目價值

賓興

周禮大司徒以鄉三物教萬民而賓興之後世賓興之名或昉於此每遇鄉試年七月初旬擇吉延科試取錄入闈生員赴公堂設饗演劇酒行且起各有餽贐為步月橋於儀門內

大庾縣志

卷之二 建置

六

樂引諸生折桂枝而上至大門揖別

鄉飲酒

周禮鄉飲酒禮貴德尚齒所以別賢否崇教化也

高宗純皇帝頒發儀注飭州縣實力奉行尊有德重高年典莫隆焉

行禮儀注

每歲正月十五日十月初一日於儒學行禮前一日執事者於儒學之講堂陳設位次司正率執事者習禮至日黎明執事者宰牲具饌主席及僚屬司正先詣學遣人速賓饌以下比至執事者先報曰賓至主席者率僚屬出迎於庠門之外

以入主居東賓居西三揖三讓而後升堂東西相嚮立贊兩拜賓坐執事又報曰僕至主席又率僚屬出迎揖讓升堂拜坐如前儀賓介俱至既就位執事者唱司正揚觶執事引司正由西階至堂中北向立執事者唱賓僕以下皆立唱揖司正賓僕以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生語畢執事者唱司正飲酒飲畢

以觶授執事執事者唱揖司正揖賓僕以下皆揖司正復位賓僕以下皆復位唱讀律令執事者舉律令案於堂之中引讀律令者詣案前北嚮立唱賓僕以下皆立行揖禮如前讀畢復位執事者唱供饌案執事者舉饌案至賓前次僕次介次主三賓以下各以次舉訖執事者唱獻賓主起席北面立執事者斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僕前置於席交拜如前儀畢主退復位執事者唱賓酌酒賓起僕從之執事者斟酒授賓賓受爵詣主前置於席稍退贊兩拜賓僕主交拜訖

各就位坐執事者分左右立介三賓獻賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓候以下皆行禮僕主僮屬居東賓介三賓獻賓居西贊兩拜訖唱送賓以次下堂分東西行仍三揖出庠門而退

凡鄉飲酒禮序長幼崇賢良別奸頑其坐席間年高德劭者居上年高淳篤者並之以次序齒而列其有違條犯法者不許干於良善之席違者罪以違制敢有誼譁失禮者揚解者以禮責之

太康縣志

卷之二 建置

主 知縣如無正官佐貳官代位於東南

大賓 以致仕官為之位於西北

僕 擇於里年高有德之人位於東北

介 以次長位於西南

三賓 以賓之次者為之位於賓主介僕之後除賓僕外眾賓序齒列坐其僚屬則序爵

司正 以教職為主揚解

禮生 以老成生員為之

學額

督學者歲科兩試太康縣文童額取二十人入縣學為附生

武童歲試額取二十人爲武生縣學附生無定額增廣生二

十人廩膳生二十人歲貢生兩年一人以年深廩膳生充拔

貢生十二年一人恩貢生遇恩貢充其次廩爲歲貢

學田五頃九十一畝六分額徵銀四十五兩五錢一分九毫

四絲四忽九微六纖起解學院分給貧生

文昌閣

在文廟之巽方知縣樸懷寶修雍正十三年知縣吳本涵改建南向乾隆二十四年知縣武昌國率紳士重修改爲西向道光八年知縣戴鳳翔重修

名宦祠

在戟門東樸懷寶修

鄉賢祠

在戟門西樸懷寶修

大康縣志

卷之二

建置

九

忠義祠

在文廟西雍正八年知縣劉輝祖同紳士重修乾隆二十五年知縣武昌國率紳士移明倫堂東

節孝祠

舊在關外雍正十三年知縣吳本涵修建乾隆十年知縣宋士莊重修二十五年知縣武昌國率紳士將烈女祠移至文廟西二十七年春知縣武昌國又同紳士將節孝祠移此祠內嘉慶二年知縣徐書受重修道光八年知

縣戴鳳翔重修

明倫堂五間

舊在大成殿後知縣樸懷寶重修雍正十三年知縣吳本涵同紳士移建大成殿東

教諭宅

在明倫堂後

訓導宅

一在明倫堂東南一在東廡東俱廢今改建在大成殿後

魁星樓

在城中東南隅與文昌閣及城外之靈光塔鼎峙互映爲一邑文風所關雍正十三年知縣吳本涵重修乾隆二十四年知縣武昌國率紳士重建比舊增高三尺餘

書院

舊有連城書院在西關外寇燬康熙三十年間知縣樸懷賁

改建於文廟東曰興賢書院後廢乾隆九年知縣朱士莊

改建於西門內曰二賢書院中廢乾隆二十五年知縣武昌

國率紳士修建仍名興賢書院

講堂三間曰敬業堂道光八年邑千總楊紹先重修比舊增高二尺東西齋各三間

後大樓三間東小樓一間東西齋各三間

西正齋東西齋各三間

大門舊出坤門道光八年邑理問王香山監生李益之宋同祁改建離門修東西房各三間

太康縣志

卷之二

建置

三

魁星樓一座在東南隅道光八年生員王化文劉紹先重修比舊增高八尺

外共前後瓦房十間草房三十五間每年稞銀拾壹兩伍錢交當生息本銀壹千捌

百兩每年收息銀叁百貳拾肆兩遇閏加增乾隆二十九年

知縣富勒赫捐廉銀肆百兩當鄭淳等地肆頃王九儀捐地

伍拾畝買王普成地壹頃柒拾貳畝肆分伍釐當王宏模

等地壹頃玖拾叁畝柒分歲久為居民佔種完稞者無幾

道光四年知縣戴鳳翔查清各鄉當捐地畝共十頃七十二

畝四分細冊存案合稞錢壹百壹拾肆千柒百捌拾文又查出朱

花村地三頃八十六畝四分二釐二毫親詣勘丈按畝升科

每年每畝納稞錢貳百肆拾文共合錢玖拾貳千柒百肆拾

貳文細冊存案連房地稞錢共貳百零柒千伍百貳拾貳文并出

示曉諭將朱花村升科地畝數目佃戶姓名鑄立石碑以垂

久遠為凱切曉諭事照得朱花村一帶舊有沙磽官地數頃

錢作為肄業生童膏火所以作養人材振拔寒畯俾之月異

日新備國家干城屏翰之用典至盛也意至深也自嘉慶

三年以迄二十四五兩年疊遭黃水漫溢泥土淤成平原此

地漸成膏壤該佃戶等稞輕無徭獲利勝於已業理當報明

按畝升科詎人心叵測賢否不齊竟有拖欠租稞甚至視為

私產轉相盜當者殊出情理之外如盧振起等頂種張士林

所稞之地並未報案更名本有不合其子盧寅賓胆敢冒名

催頭盜當官地數十畝瞞官玩法莫此為甚若不嚴加究懲

何以清積弊而儆將來今本縣親詣勘丈按畝定稞誠恐鄉

愚無知悞蹈覆轍合行出示曉諭為此示仰各稞戶及軍民

人等知悉嗣後爾等如有私將書院地畝當賣肥已者查出

即照侵盜錢糧之例從重治罪其出錢當買之人無論是否

知情但經發覺除罰價入官外亦必薄施懲責鄉保知情不

舉或且徇情受賄扶同隱匿一律究辦不貸又此等官地歷

太康縣志

卷之二

建置

三

年既久邊界易淆朦混侵佔勢所不免如有舊日侵種官地者須當及早自行舉首本縣亦不敢為已甚之行追其既往之咎仍準計畝納稞編造清冊以垂久遠倘敢有心顛預則是罔上行私情終不悛一經查出或被入告發定當嚴行究辦本縣執法如山毋謂言之不預也各宜凜遵毋貽後悔特示

義學

縣東舊有社學遭寇燬知縣樸懷寶改建於西關茲迄今久

廢道光五年知縣戴鳳翔捐俸於縣東高朗集西獨塘集南

王隆集北平台岡設立義學四處延師教讀歲費修脯錢壹

伯貳拾餘千七年春奉

大憲檄中州州縣各立義學復捐廉俸錢五百千為倡邀勸

城鄉紳士量力捐輸連前共得錢肆千串發當生息增立

城東門內關帝廟義學一處西門內天寧寺義學一處因經費不

敷先行借鄉間增立十四處五里口監生李益之捐瓦房十

龍曲集王魏氏捐地二十畝遜母口長營集楊廟集馬厰集馬頭集朱

花村朱家口老塚集高賢集崔橋集吳仁寺清香集外一家集監生

張唯自設連前城鄉共義學二十一處併立條規士二則鐫石

義學一處以垂不朽

一發交城鄉十典舖各領本錢四百千文詳明

各憲每月一分五釐生息每年計共得息錢七百二十千文

太康縣志 卷之二 建置 三

遇閏加一月息錢於利滿一季之後次季首月朔日繳存以

便隨時發為各義學束脩之費發錢之日即取具各典商互

保甘結遇有一典歇業眾典即赴縣稟明將原領本錢及應

繳息錢照數追出其原本分交現開之典領管如出結之典

瞻徇不稟致將本利缺少着落照數賠補縣中遇有新舊交

代舊官將此項發典本錢開列各典所領原本數目及息錢

交至何月之處造冊移交新任查核並稟明

本府立案無論實任署事官員不許挪用分毫如有挪用照

倉庫正項着追以歸核實而垂久遠

一在城設立義學二處各鄉適中集鎮分立義學十八處現在因經費不充先行借用廟宇業已飭據紳士鄉保查稟擇定有所學中除塾師桌椅由近處紳士置備外其學徒桌椅俱令自備

一聘請塾師祇須就近擇延若聘請遠處及外來之師誠恐語言不同一切均多不便卽着各處紳士於鄰近村庄無論生童擇其品行端方經書純熟者赴縣稟明以便察看延請至每年散學之後是否可以仍舊延請抑須另延亦着隨時赴縣稟候核定

一各義學塾師修脯每年每學議定致送制錢三十二千按四季分送以四七十一二其月之初五日給發如係生員能爲無力童生校改詩文有益後進於原定束脩之外按作文應試每學徒一名加塾師脩脯一千文亦按季併送約以四名爲率以示限制如再多則係經館不合義學調劑貧乏教養童蒙之義如係延請童生則仍照議定三十二千之數若學徒父兄情愿另送脩金節敬者聽其自便

一塾師如常有事故及自揣力量不能約束學徒者聽其辭去仍按在館月日給予束脩卽着紳士另行擇延接續到館如



塾師無故曠課及節範不端者亦着各紳士查明稟知辭去  
另延以收實效

一義學之設非惟啟迪愚蒙兼可輔行教化所延塾師於朝夕  
訓課外並應將孝親敬長之道進退揖讓之節隨時隨勢爲  
之講解使其目濡耳染習熟於禮義之途則放僻邪侈之心  
無自而生中人以上皆可勉爲成材卽下愚無知習而安焉  
亦不至流爲匪僻至該子弟之父兄旣令子弟就傳讀書俟  
其放學歸來亦爲隨時勉勵則風俗自臻淳美祭鶩盡爲良  
善矣

太康縣志

卷之二

建置

一

一奉發

聖諭廣訓一書條教備載甚詳本縣購覓刻本業已校對無訛現於  
每學發給二本令塾師每逢朔望之期爲童蒙定句授讀曉  
以

聖諭大意讀完一篇之後再行貫串講解其誦讀之多少則視學徒  
質地之優絀總期於習熟而後已該塾師務宜訓誨不倦毋  
稍懈怠果能訓課有方望徒盡能通曉本縣於便道稽查自  
當隨時獎賞以示鼓勵

一學從敬入必先氣質而後又藝童蒙嫻於禮節自然循循規

矩之中今酌定每年正月開印開館歲底封印散學開學之日生徒俱詣

至聖先師牌位前行三跪九叩禮畢有父兄送學者同塾師對拜行禮次童蒙向塾師行三拜禮每逢朔望師生均詣

至聖先師牌位前上香行三叩禮毋怠毋忽

一義學無論在城在鄉所請塾師除訓課外不許干預外事如塾師招集親友在學閑談飲酒或羣聚議事談說是非一槩禁止倘有無知之徒敢在義學喧嘩酗酒賭博滋擾等事着紳士鄉保隨時斥逐如有不遵稟官拘究懲辦

太康縣志

卷之二

建置

五

一童蒙讀書首先識字每日早晚讀書若干必令背誦爛熟然後再爲授讀臨改字時摘其書中之難字硃書紙背指令認識有不識者隨時呵責之不聽含糊忽過則功課認真塾師多盡一分心卽學徒多受一分益記曰師嚴然後道尊此之謂也如或虛糜脩脯誤人子弟自問能毋愧乎倘學徒羣聚戲謔擾亂學規無故出遊功課不進由塾師隨時責懲再不悛改塾師知會本處紳士查明斥逐以示炯戒而歸核實

一小學一書於幼學最爲切要現奉

本府憲發下二十一部合卽每處發給一部以備塾師隨時

講解弟子計日溫習則學以養正之道思過半矣

一讀書存心向道尊重聖賢必當敬惜字紙茲約令各塾中置

一化字爐師座旁置一大紙簍弟子座旁各置一小紙簍偶

有廢字殘稿隨手取貯其中盈則焚化於爐棄灰於水以免

穢污作踐為要為囑

### 壇廟

社稷壇 在西關迤北

風雲雷雨山川壇 在南關石橋外迤東乾隆二十五年知縣武昌國率紳士重修壇垣

先農壇 在東關外雍正四年知縣張對墀奉文建地基四畝九分正殿一間

## 大康縣志

### 卷之二

三

邑厲壇 在縣北

關帝廟 在文廟西康熙中知縣蘇汝楫建雍正十三年知縣吳本涵修乾隆二十四年知縣武昌國率紳士重修

正殿三間前軒三間大門三間左右角門移殿東三代祠於舊址之北正殿三間東齋宿廳三間殿前

戲樓三間

### 城隍廟

在縣治南明隆慶三年因廟災重建崇禎十五年寇燬國朝順治五年知縣田六善重建康熙十六年知縣張信重修乾隆二十四年知縣武昌國倡率紳

士重建正殿五間前軒五間東西廡房各五間寢殿三間殿東齋宿廳三間殿西教房六間大門三間左

石角門二門三間左右角門東西有鐘鼓樓大門外戲樓一座今多歷年所腐頽頽牆垣圯廢道光八年知縣戴鳳翔捐撥倡率紳士等重修

八蜡廟 在東關外

劉猛將軍廟 舊在八塔前內乾隆三年知縣李綸捐建正宇三間移奉廟東

龍王廟 在西關內路北雍正八年知縣劉輝祖奉文捐修

二賢祠 舊在縣治東乾隆十年知縣宋士莊移建在西門內

王公祠 在文廟後街

顧公祠 在城南歲久傾圮僅存草房一間覆像而已乾隆二十五年知縣武昌國倡率紳士鄭志麟張際恒等

建正宇三間大門一座俱彩畫又建小房二間於西繚以牆垣

韓烈士祠 在城北里許萬歷十一年建

蕭公祠 二賢祠改

楊公祠 在化民臺東南隅

太康縣志 卷之二 建置

富公祠 在西門外十方院西

坊表

青瑣地恩 為王杰

簪纓接武 為王鍾王淪王堦王朝賢王鎬

奕世恩光 為李訖

世科 為劉金劉湜劉慶劉亨

父子都憲 為王杰王堦

恩榮 為王朝賢

繡衣 為師存智

冠武 為張鳳儀

世科 為師宗魯

聖朝忠使 為郭緒

名臣宮保 為顧佐

花封沐寵 為郭郊諒

天恩三世 為王簡王  
杰王堤

進士 為郭顯忠

解元 為郭濟

橋梓登榮 為賈做賈理  
賈珂

大康縣志 卷之二 建置

孝順坊 為陳智

雙節 王勵運妻蔣氏  
翼運妻張氏

節孝坊三 丁同人妻魏氏 張永謙  
妻李氏 劉世順妻焦氏

貞節坊七 劉然妻孔氏 劉錕妻王氏 劉光玉妻安氏  
及子道立妻郭氏 郭存思妻魏氏 閻閻妻黃氏  
氏 樂人正庶妻李氏

貞烈坊三 張承仁妻李氏  
程錕妻劉氏 宋九錫妻王氏  
王錫第妻劉氏

百歲坊 蘇應魁  
妻李氏

郵政

普濟堂舊在南門外草房二十三間雍正十二年生員柳國

柱捐地七畝九分知縣吳本涵捐建乾隆十年十六年二十  
年知縣宋士莊張足法傅輝文節次捐修二十二年知縣武  
昌國捐修二十六年被黃水冲塌二十七年移於城內嘉慶  
十九年知縣高崧捐修牆垣及草房十二間

育嬰堂在城內瓦房二間草房七間閩邑紳士捐買地基雍

正十二年知縣吳本涵奉文建立乾隆十六年知縣張足法

捐修二十五年知縣武昌國捐俸重建草房修葺瓦房普育

二堂共地十四頃三十一畝三分零七毫內郭氏潘氏許氏  
捐地共三頃貢

生趙商書捐地三十畝劉張氏捐地四十七畝三分四釐四  
毫楊志捐地八畝閩邑紳士捐穀變價買地九頃十二畝一

大康縣志

卷之二 建置

三

分九釐七毫普濟堂息銀置地六十畝一分四釐四毫乾隆  
十一年貢生郭書捐地二十二畝四分八釐七毫李大賚捐  
地三十三畝五分六釐七毫王述中捐地三畝五分  
七釐一毫龔樓祖師廟地十三畝九分九釐七毫 交當二  
分生息銀八百兩為贍卹老幼貧民之需

漏澤園舊在縣西雍正五年知縣程秉禮捐買義地二畝在

縣三里翁後並有石碑乾隆二十四年候選經歷王九儀捐

施地二畝一釐五毫在東門外立有界石

養濟院 舊志云在  
縣西久廢

遞舖

塘馬二匹草料銀三十六兩馬夫一名工食銀二十二兩驛

馬十匹草料銀一百八十兩馬夫七名工食銀一百十二兩  
零乾隆二十四年奉文裁減驛馬四匹減草料銀七十二兩  
裁去馬夫二名減工食銀三十二兩零現有驛馬六匹草料  
銀一百八兩零馬夫五名工食銀八十兩零

總舖 在治北 舖兵八名  
遷治東

老塚集舖 東南三十里 舖兵二名

獨塘集舖 西十里 舖兵二名

白羊岡舖 白羊店西北 舖兵二名

崔橋集舖 西北七十里 舖兵三名

太康縣志 卷之二 建置

以上舖兵共三十名共紅食銀一百二十兩

舊志十六舖總舖崔橋白羊岡三舖 今又有坊城舖 在坊城集小

郭舖 西北三十里 高賢舖 在高賢集 黃岡舖 在黃岡集 馬臺舖 在馬臺集 郎城舖

西三長營舖 在長營集

兵防

太康縣演武場在城西北華方有臺臺上廳三間

太康汛舊設陳州營駐防千總一員馬步兵八十三名雍正

十年四月奉文千總調陳州太康改設把總乾隆十年六月

奉文守兵裁十四名止存六十九名屬南陽鎮

縣南王龍集墩臺一座營房七間守兵二名

老塚集墩臺一座營房七間守兵二名

東南明光集墩臺一座營房七間守兵二名

馬廠集墩臺一座營房十三間馬兵一名守兵二名

西北崔橋集墩臺一座營房七間守兵二名

獨塘集墩臺一座營房十間馬兵一名守兵二名

長營集墩臺一座營房七間守兵二名

縣西遜母口集墩臺一座營房十三間馬兵一名守兵二名

張家庄墩臺一座營房十一間馬兵一名守兵二名

大康縣志

卷之二 建置

三

卡房五處

東路朱家口

南路明光集

西路遜母口

北路楊家廟

龍崗寨 乾隆二十四年知縣武昌國安設

津梁

青陵關 西南三十五里明五里口 西南四十里通西華 西村口 秋江

泊里 東南三十五里通柘城 哈塞渡口 楊家馬頭 北五十里 古家馬頭



東四十里 朱家口 東四十里 遜母口 學河開 西南三十里 五子口

笑增口 朝陽橋 東門外 南薰橋 南門外 樂成橋 西門外 迎恩橋 北門

外 廣仁橋 廣義橋 二橋俱在朝陽橋東 乾隆二十三年知縣武昌國重修 塔灣橋 東縣

南半里跨舊黃河 乾隆二十六年知縣武昌國重修 建碑橋 一孔板橋 二孔 南岳岡橋 北縣 田家

橋 乾隆二十六年知縣武昌國重修 樊增口橋 北縣 楊家橋 乾隆二十五年知縣武昌國重

修 耿家橋 縣西北 乾隆二十六年知縣武昌國重修 仁香營橋 官橋 在縣西北 十八里乾

隆二十六年知縣武昌國捐修 五孔橋 縣西十二里 乾隆二十五年知縣武昌國重修 改名仁壽 三里橋

乾隆二十六年知縣武昌國捐修 徐家橋 乾隆二十五年知縣武昌國捐修 添建二孔 宋家橋 乾

二十五年知縣武昌國捐修 蘇羅橋 乾隆二十五年知縣武昌國捐修 丁家橋 馬廠橋

大康縣志 卷之二 建置

以上十四橋 太倉橋 王家橋 胡家橋 李家橋 軒家

俱跨燕城河 以上五橋 俱 落花橋 北四里 鐵佛寺橋 郭家橋 乾隆二十五年知縣

武昌國修 添建二 田家橋 縣西北五十里 乾隆二十六年知縣武昌國率里民重修 李家

孔立石禁止決堤 橋 縣東南四十里 乾隆二十六年知縣武昌國修 辛家橋 灣子橋 吳二橋 二

張橋 以上九橋 俱 程家橋 東關橋 二橋跨 舊黃河 老塚橋 貫河 七

里河橋 縣東北跨七里河 乾隆二十六年知縣武昌國新建 楊家廟橋 臨睢州大路 乾

縣武昌國修 改建三大孔

太康縣志卷之二

田賦

因田制賦賦爲正供隴烟朝插村碓夜舂經費有藉祿養  
斯隆勞心撫字時不違農志田賦

地畝

太康縣地畝明洪武初官地壹拾頃玖拾壹畝玖分民地壹千  
肆百叁頃柒拾肆畝肆分不起科官民夏地壹千貳百陸拾  
叁頃捌畝壹分秋地肆百叁拾頃壹拾玖畝貳分隆慶元年  
知縣馮珊奉例丈量官民地並黃河退灘沙薄不起科共捌

太康縣志

卷之二 田賦

千柒百壹拾陸頃柒拾叁畝玖釐萬歷以後俱照例起科

國朝順治二年分遵照賦役刊定舊則三年正月奉文除荒徵熟  
知縣田六善招徠逃戶力勸開墾止存官民熟地壹千壹百  
陸頃捌拾玖畝柒分十年奉

旨與屯設屯道屯廳給發牛價籽粒銀兩招民開荒本年見在熟地  
貳千陸百伍頃玖拾陸畝捌分十五年奉

旨清丈地畝專差清丈察荒御史依魚鱗冊查丈本年見在熟地叁  
千壹百柒頃玖拾貳畝肆分康熙六年知縣胡三祝奉

旨清丈地畝依魚鱗冊查丈見在熟地捌千柒百貳拾頃玖拾肆畝

玖分肆釐柒毫肆絲又康熙九年勸墾地壹頃陸拾柒畝壹分陸釐貳毫陸絲貳項共中地捌千柒百貳拾貳頃陸拾貳畝壹分壹釐復足舊額

人丁

明初賦稅地僅千數百頃節次陞科增定不一其制已遠至萬歷初年行一條鞭法民甚便焉厥後因事加派賦繁役重

國朝賦稅悉因萬歷初年舊額於順治二年奉

旨免荒徵熟十二年

詔修賦役全書頒行康熙二十四年奉頒簡明賦役全書便民輸將

太康縣志

卷之二 田賦

二

茲遵定頒開例拾伍年除荒行糧熟地叁千壹百柒頃玖拾貳畝肆分實徵銀壹萬肆千柒百叁拾陸兩伍錢叁分玖釐壹毫又報自首地壹千肆百陸拾頃該銀柒千壹拾兩康熙六年知縣胡三祝奉

旨請核原額人丁貳萬陸千壹百陸拾柒丁捌分陸釐叁毫叁絲丁隨地派並無另徵丁銀地盡丁無係照舊額每地叁拾叁畝叁分准人丁壹丁

逾額人丁肆千叁百捌拾陸丁內分舊管原額人丁貳萬陸千壹百陸拾柒丁捌分陸釐叁毫叁絲乾隆元年奉文編審

舊管

盛世滋生戶口人丁叁千肆百叁拾伍丁新收

盛世滋生戶口人丁玖百伍拾壹丁新舊共人丁叁萬肆百伍拾

叁丁捌分陸釐叁毫叁絲內除新舊滋生戶口人丁肆千叁

百捌拾陸丁欽奉

恩詔永不加賦外見在人丁貳萬陸千壹百陸拾柒丁捌分陸釐叁

毫叁絲順治十六年正月內收併宣武衛原額丁銀無亦無

歸併活丁照地增丁捌丁肆釐伍毫叁絲丁隨地派並無另

徵丁銀乾隆元年奉文編審舊管

太康縣志

卷之二

田賦

三

盛世滋生戶口人丁肆丁新收

盛世滋生戶口人丁壹丁新舊共人丁壹拾叁丁肆釐伍毫叁絲

內除新舊滋生戶口人丁伍丁欽奉

恩詔永不加賦外見在人丁捌丁肆釐伍毫叁絲

以上民衛見在共人丁貳萬陸千壹百柒拾伍丁玖分捌

毫陸絲

乾隆二十七年欽奉

上諭編審之例永行停止每年戶口按照保甲確查造冊詳報

道光七年按照保甲現在牌民捌萬壹千捌百伍拾捌戶計

男婦大小肆拾叁萬柒千柒百陸拾陸名口

賦稅

原額壹則中地捌千柒百貳拾貳頃貳拾陸畝陸分壹釐該  
徵糧銀叁萬玖千貳百伍拾柒兩壹錢伍分遇閏共徵糧銀  
肆萬叁百陸拾兩捌錢肆分肆釐每畝派徵漕糧伍合伍勺  
玖撮柒圭肆粟肆顆共徵漕米肆千捌百零伍石柒斗肆升  
貳合叁勺雍正十二三兩年報墾額外夾荒老荒共地壹  
頃柒拾玖畝伍分玖釐貳毫不徵漕糧該徵糧銀捌兩柒錢貳分  
柒釐遇閏徵糧銀捌兩玖錢叁分陸釐

收祥符寄庄正管行糧好地壹拾伍頃壹拾壹畝伍分捌毫  
伍絲不徵漕糧該徵糧銀柒拾捌兩玖錢肆分伍釐壹毫遇閏該  
糧銀捌拾兩陸分陸釐肆毫 又收祥符正管沙地伍畝伍  
分不徵漕糧該徵糧銀壹錢肆分伍釐捌毫遇閏徵糧銀壹錢肆  
分捌釐 又收祥符寄庄好地肆拾玖畝不徵漕糧該徵糧銀貳  
兩柒錢陸分伍釐壹毫遇閏徵糧銀貳兩捌錢肆釐肆毫  
收陳留寄庄民地壹百捌頃玖拾玖畝分伍釐伍毫伍絲不徵  
漕糧該徵糧銀陸百肆拾肆兩伍錢捌分柒毫遇閏徵糧銀陸  
百伍拾陸兩壹錢貳分玖釐伍毫

收杞縣寄庄民地玖拾陸頃柒拾柒畝伍分叁釐伍毫不徵漕糧  
該徵糧銀肆百肆拾玖兩陸錢柒分柒釐遇閏徵糧銀肆百伍拾陸兩肆分柒釐捌毫

收更名小弓地貳拾頃捌畝比照民地陸百捌拾肆步為壹畝共折民地柒頃肆畝伍分陸釐壹毫伍絲不徵漕糧該徵糧銀

叁拾叁兩肆錢貳分柒釐遇閏徵糧銀叁拾肆兩叁錢壹分柒釐肆毫

收睢州更名小地壹拾貳頃捌畝肆分仍照舊折行糧地陸頃肆畝貳分不徵漕糧該徵糧銀叁拾陸兩叁錢貳分陸釐遇閏

太康縣志

卷之二 田賦

徵糧銀叁拾柒兩壹錢叁分柒釐壹毫貳絲

收宣武衛小地柒頃柒拾柒畝不徵漕糧該徵糧銀拾捌兩壹錢

柒分玖釐遇閏徵糧銀拾捌兩捌錢貳分柒釐

收武平衛屯地壹千伍拾伍頃肆拾捌畝不徵漕糧共徵糧銀貳

千伍百貳拾兩捌錢貳分柒釐閏不閏同

收武平衛運地壹千頃捌拾捌畝陸分壹釐伍毫不徵漕糧共派

徵糧銀貳千叁百玖拾兩肆錢叁分玖釐閏不閏同

收柘城寄庄地屯地壹頃貳拾畝不徵漕糧共派征糧銀叁兩伍

錢貳分捌釐閏不閏同

以上民衛更名寄庄共額徵糧銀肆萬伍千肆百肆拾肆兩柒錢壹分玖釐遇閏共額徵糧銀肆萬陸千伍百柒拾兩伍分叁釐

起解

藩庫丁地銀叁萬零叁百貳拾伍兩肆錢柒分壹釐遇閏加銀陸百

玖拾捌兩壹錢柒分捌釐更名地銀陸拾玖兩柒錢伍分叁釐遇閏加銀壹兩柒錢

壹寄庄地銀壹千壹百柒拾壹兩柒錢壹分玖釐遇閏加銀拾玖兩捌

分叁夾老荒地銀捌兩柒錢貳分柒釐遇閏加銀貳錢玖釐宣武衛地

銀拾捌兩壹錢柒分玖釐遇閏加銀陸錢肆分捌釐武平衛地銀肆千伍

太康縣志

卷之二 田賦

百肆拾玖兩貳錢捌分陸釐不加閏驛站撥協改解藩庫銀

貳千捌百伍拾肆兩柒錢叁分肆釐遇閏加銀貳百伍拾肆兩伍錢陸分伍釐裁

館夫銀叁拾貳兩肆錢遇閏加銀貳兩柒錢抽撥銀伍拾貳兩貳錢遇閏

加銀肆兩叁錢伍分

共解藩庫銀叁萬玖千捌拾貳兩肆錢陸分玖釐遇閏應解銀肆

萬陸拾叁兩玖錢叁釐

布政司俸銀壹百壹拾陸兩捌錢貳分叁釐經歷司俸銀貳

拾捌兩壹錢玖分伍釐都事俸銀壹兩柒分大梁道餘俸銀

拾伍兩貳錢叁分叁釐鄉飲銀壹兩玖錢叁分玖釐以上伍項不加

問

河道河夫水手銀參百拾捌兩參錢叁分玖釐不加門子肆

名工食銀貳拾肆兩遇閏加皂隸叁名工食銀拾捌兩遇閏加銀

壹兩遇閏加轎夫肆名工食銀貳拾肆兩遇閏加銀貳兩

糧儲道輕賚銀貳百壹拾伍兩玖錢伍分折蓆銀拾叁兩壹

錢陸分柒釐盤剝銀肆拾兩肆錢玖分壹釐節省銀柒百貳

拾兩捌錢陸分壹釐潤耗銀壹百捌拾捌兩壹錢陸釐臨清

倉米折銀壹千壹百肆拾壹兩壹錢玖分肆釐祥符寄庄米

價銀肆兩叁錢玖分伍釐瞻運銀叁百陸拾伍兩伍錢捌釐

太康縣志 卷之二 田賦

糧道正俸銀肆拾玖兩陸錢叁分柒釐以上項聽事吏壹

名工食銀陸兩遇閏加銀伍錢

按察司驛站裁扣銀貳百柒拾壹兩柒錢叁分叁釐遇閏加銀貳拾

壹兩遇閏加裁塘馬夫銀拾陸兩貳錢遇閏加留肆槓夫銀捌

拾壹兩遇閏加夫馬建曠銀伍兩捌錢買補倒馬銀拾

壹兩遇閏加捌錢貳項不皮張變價銀壹兩官捐

按察司禁卒陸名工食銀叁拾陸兩遇閏加皂隸拾貳名工

食銀柒拾貳兩遇閏加銀陸兩

經歷司門子壹名工食銀陸兩遇閏加皂隸肆名工食銀貳



拾肆兩遇閏加銀貳兩馬夫壹名工食銀陸兩遇閏加銀伍錢

司獄司皂隸貳名工食銀拾貳兩遇閏加銀壹兩

學院快手叁名工食銀拾捌兩遇閏加銀壹兩伍錢皂隸壹名工食銀

陸兩遇閏加銀伍錢傘扇夫叁名工食銀拾捌兩遇閏加銀壹兩伍錢

信陽營粳米銀捌拾肆兩玖錢捌分

開封營祿麥銀壹百叁拾叁兩貳錢柒分壹釐

撫標營祿麥銀捌拾玖兩伍錢叁分陸釐以上三項不加閏

留支

本縣知縣俸銀肆拾叁兩陸錢貳分肆釐不加閏門子貳名工

太康縣志

卷之二 田賦

食銀拾貳兩遇閏加銀壹兩皂隸拾陸名工食銀玖拾陸兩遇閏加銀捌兩

馬快捌名連喂馬草料銀壹百叁拾壹兩柒錢伍分捌釐遇閏加銀拾壹兩壹錢玖分玖釐

酌存民壯叁拾伍名工食銀貳百捌拾兩不加閏

道光元年奉文撥給沈項縣丞衙門伍名二年撥給淮沈

項縣丞衙門伍名應支工食銀兩仍在太康支領庫子肆名

工食銀貳拾肆兩遇閏加銀貳兩斗給肆名工食銀貳拾肆兩遇閏加銀

貳兩遇閏加銀傘扇夫柒名工食銀肆拾貳兩遇閏加銀叁兩伍錢禁卒捌名工

食銀肆拾捌兩遇閏加銀肆兩舖司兵貳拾名工食銀壹百貳拾兩

遇閏加銀拾兩

本縣縣丞俸銀叁拾捌兩柒錢柒分柒釐不加門子壹名工

食銀陸兩遇閏加銀伍錢馬夫壹名工食銀陸兩遇閏加銀伍錢皂隸肆名

工食銀貳拾肆兩遇閏加銀貳兩嘉慶二十一年奏准太康縣丞改

為淮項沈分防縣丞衙署移駐槐店鎮俸銀仍在太康支領

本縣典史俸銀叁拾兩伍錢伍分陸釐不加門子壹名工食

銀陸兩遇閏加銀伍錢馬夫壹名工食銀陸兩遇閏加銀伍錢皂隸肆名工

食銀貳拾肆兩遇閏加銀貳兩教諭俸銀肆拾兩不加喂馬草料銀伍兩捌錢壹分柒釐遇

加銀伍錢齋夫壹名半工食銀拾捌兩遇閏加銀壹兩伍錢門斗叁名工食

太康縣志 卷之二 田賦

銀貳拾壹兩陸錢遇閏加銀壹兩捌錢

訓導俸銀肆拾兩不加喂馬草料銀伍兩捌錢壹分陸釐遇

加銀伍錢齋夫壹名半工食銀拾捌兩遇閏加銀壹兩伍錢

本縣廩生貳拾名廩糧銀捌拾兩遇閏加銀陸兩膳夫貳拾

名工食銀肆拾兩遇閏加銀叁兩

關帝廟祭祀銀肆拾兩

文廟祭祀銀肆拾伍兩修理銀玖兩陸錢玖分肆釐

文昌祭祀銀貳拾陸兩陸錢陸分陸釐

社稷壇風雲雷雨壇並朝賀祭祀銀貳拾壹兩捌錢貳分伍釐

八蜡廟祭祀銀壹兩肆錢伍分伍釐

二賢祠祭祀銀叁兩捌錢柒分捌釐

顧公祠祭祀銀壹兩玖錢叁分玖釐

韓烈士祠祭祀銀壹兩玖錢叁分玖釐

王三司徒祠祭祀銀伍兩捌錢壹分柒釐

蕭公祠祭祀銀壹兩玖錢叁分玖釐

邑厲壇祭祀銀伍兩肆錢伍分陸釐

以上俱係折實銀

本縣驛塘夫馬工料共銀叁百柒拾玖兩肆錢陸分柒釐遇

加銀貳拾捌兩伍錢

通共解支丁地等銀肆萬伍千肆百肆拾肆兩柒錢壹分

玖釐遇閏加銀壹千壹百貳拾伍兩叁錢叁分叁釐遇閏解支丁地等銀肆萬陸

千伍百柒拾兩伍分叁釐

漕糧起運

本色起運正兌本色原額米貳千柒百石每石價銀捌錢陸

分陸釐伍毫原額銀貳千叁百叁拾玖兩伍錢伍分實征米

貳千陸百玖拾玖石叁斗柒升貳合實徵銀貳千叁百叁拾

玖兩陸釐外貳伍加耗原額米陸百柒拾伍石實徵米陸百

柒拾肆石捌斗肆升叁合改兌原額米壹千陸拾叁石每石

價銀柒錢陸分壹釐伍毫原額銀捌百玖兩肆錢柒分伍釐  
實徵米壹千陸拾貳石柒斗伍升叁合實徵銀捌百玖兩貳  
錢捌分陸釐外壹柒加耗原額米壹百捌拾石柒斗壹升實  
徵米壹百捌拾石陸斗陸升捌合

以上本色起運正改兌連耗共米肆千陸百壹拾柒石陸  
斗叁升陸合共該銀叁千陸百玖拾肆兩壹錢玖釐該加  
閩耗米壹百捌拾捌石壹斗陸合叁勺該銀壹百伍拾兩  
肆錢捌分伍釐

前件貳項於雍正六年五月十三日奉文統徵本色遵照

部價每石價銀陸錢伍分應減徵米價銀叁千壹百貳拾  
叁兩柒錢叁分貳釐共該徵本色漕米肆千捌百伍石柒

斗肆升貳合叁勺

閩不閩同改運  
楚旺水次交兌

舊裁

布政司俸原額銀壹百貳拾兩伍錢捌釐分守河南道俸原  
額銀壹百叁拾兩分守河北道俸原額銀陸拾陸兩玖錢壹  
分陸釐分守河汝道俸原額銀壹百叁拾兩督理糧儲道俸  
原額銀陸拾陸兩玖錢壹分陸釐副理閩所俸原額銀陸拾  
兩正理閩所俸原額銀貳拾玖兩捌分肆釐本縣訓導喂馬

草料原額銀拾貳兩齋夫叁名工食原額銀叁拾陸兩門斗  
貳名工食原額銀拾肆兩肆錢

新裁

修理

龍亭原額銀壹兩門子壹名工食原額銀陸兩布政司司獄司  
俸原額銀玖兩柴錢陸分開封府司獄司皂隸貳名工食原  
額銀拾貳兩開封府俸原額銀肆拾陸兩伍錢叁分叁釐轄  
夫貳名工食原額銀拾貳兩傘扇夫叁名工食原額銀拾捌  
兩開封府儒學膳夫貳名工食原額銀肆拾兩本縣新紅紙

太康縣志

卷之二

田賦

十三

張原額銀貳拾兩修理監倉原額銀貳拾兩燈夫肆名工食  
原額銀貳拾肆兩民壯拾伍名工食原額銀玖拾兩奉文協  
濟鄆陵縣棚場原額銀拾貳兩肆錢陸分玖釐提學道科考  
歲考給賞生員紙張原額銀貳拾伍兩提學道迎送新進生  
員花紅酒席原額銀拾伍兩本縣季考花紅卷資原額銀拾  
兩本縣首領新官到任祭祀公宴原額銀拾兩本縣應試并  
府學遺才應試生員原額銀捌拾肆兩柴錢本縣迎送新舉  
人原額銀拾叁兩叁錢叁分叁釐

以上共原額銀壹千壹百叁拾伍兩陸錢壹分玖釐

康熙四十七

年裁改歸  
解司庫

每年按糧攤徵加價銀兩無定額屆期奉文飭知數口爲定  
雜稅

活稅銀 當稅銀 老稅銀 房地稅契銀 牙行換帖稅

銀 新增稅銀 盈餘稅銀共柒項原無定額俟年底解到

準額另冊報銷

蠲免

康熙十年秋七月大水渰禾奉

旨查勘蠲免錢糧拾分之叁二十四年夏六月大水渰禾奉

太康縣志

卷之二 田賦

十三

旨查勘蠲免錢糧拾分之貳凡拖欠在民者悉行蠲免二十五年

上諭戶部河南等處地方錢糧蠲免壹半三十年九月

上諭戶部河南通省三十一年錢糧滿糧盡行蠲免

乾隆四年秋禾被水勘明成災玖分拾分不等民衛更名共

地陸千壹百玖拾玖頃貳畝柒分陸釐壹毫蠲免丁地銀壹

萬陸千捌百貳拾兩肆分肆毫柒絲貳忽除衛更地柒百陸

拾壹頃伍拾壹畝捌毫例不派漕外蠲免漕項銀玖百捌拾

伍兩壹錢肆分肆釐貳毫玖絲玖忽蠲免漕米貳千肆拾石

捌斗柒升捌勺陸抄十一年秋禾被水勘明成災陸柒捌

不等民衛更名寄庄共地柒千肆百玖拾玖頃陸拾柒畝柒分蠲免丁地銀柒千叁百拾陸兩陸錢壹分肆釐貳毫十二  
年秋禾被水勘明成災陸柒分不等民衛更名寄庄共地肆  
千柒百玖拾玖頃肆拾伍畝捌分蠲免丁地銀貳千玖百拾  
貳兩陸錢玖分玖釐捌毫壹絲肆忽伍微壹沙叁塵二十二  
年秋禾被水勘明成災柒捌玖拾分不等民衛更名寄庄共  
地玖千肆百柒拾柒頃叁拾畝蠲免丁地銀壹萬捌千柒百  
柒拾陸兩貳分捌釐肆毫陸絲叁忽除衛更名寄庄地柒百叁  
拾玖頃叁拾柒畝叁分捌釐壹毫伍絲蠲免漕項銀壹千玖  
百捌拾貳兩貳錢柒分伍釐伍毫蠲免漕米肆千壹百陸石  
伍斗柒升肆合捌勺柒抄其坍塌民兵草房玖百伍拾捌間  
每間給銀伍錢共給銀肆百柒拾玖兩

道光五年奉

恩詔豁免積欠加價



